

# Usia bukan halangan ke menara gading

(FOTO HIASAN)

**G**olongan berkecaya, terutama dalam sektor industri perlu merebut peluang menyambung pengajian ke program yang memberi nilai tambah kepada ilmu dipelajari. Keperluan meningkatkan sijil akademik dalam bidang tertentu yang memerlukan kepakaran spesifik menuntut perpelajahan ilmu ke mahirah tinggi ini tanpa henti.

Kita biasa mengikut kisah graduan menyambung pengajian tidak kira, sama ada secara program pengajian jarak jauh atau pembelajaran separuh masa di universiti yang akhirnya, berjaya sampai di pentas konvokesyen universiti sehingga mengenggam segulung ijazah ketika meriti usia emas.

Pasti waktu pengajian yang fleksibel, kelas hujung minggu atau selepas kerja dan kecanggihan teknologi pada masa kini membolehkan pelajar mengikuti pengajian secara maya dan pelajar ini membolehkan sesapa sahaja berpeluang untuk terus belajar sepanjang hayat.

Pembelajaran sepanjang hayat ialah agenda utama negara dalam memastikan masyarakat mendapat peluang pendidikan merentas peringkat umur, latar belakang pendidikan dan lokasi pembelajaran. Kerajaan melihat pembelajaran sepanjang hayat sebagai inisiatif utama seperti digariskan dalam Pelan Pembangunan Pendidikan Malaysia (Pengajian-Tinggi) dan Pelan Induk Pembangunan Pembelajaran Sepanjang Hayat 2011-2020.

Definisi pembelajaran sepanjang hayat berdasarkan Pelan Induk Pembangunan PSH 2011-2020 ialah "Pembelajaran yang membolehkan mereka yang berusta di

## Komentar



**Rosilavi Mat Jusoh**

Pengurus Kanan Pengurus Kanan  
Pengurusan Perniagaan & Pemasaran  
UMP Advanced

antara 15 hingga 64 tahun ke atas kecuali pelajar profesional. Dalam konteks ini, pelajar profesional ialah mereka yang belajar secara sepenuh masa di sekolah, kolej atau universiti dengan tujuan memperoleh kelayakan akademik atau kemahiran.

Takrifan umur ini juga berdasarkan umur produktif penduduk Malaysia, iaitu 15 hingga 64 tahun dan mereka yang berusia 64 tahun ke atas yang masih berupaya memberi sumbangan kepada pembangunan ekonomi negara.

Pembelajaran sepanjang hayat ditakrifkan juga sebagai pembangunan potensi manusia melalui proses sokongan secara berterusan yang merangsang dan memperkasa individu untuk mempelajari segala pengetahuan, nilai, kemahiran dan pematihan yang diperlukan sepanjang hidup mereka dan mengunakannya dengan yakin, kreatif dan menarik.

### Warga kerja industri

UMP Advanced sudah mengorak langkah dalam usaha membudayaan dan pemerksaan pembelajaran sepanjang hayat yang diterjemahkan dalam pelbagai program penawaran program dijalankan



Konsep pembelajaran sepanjang hayat selari aspirasi negara untuk membangunkan masyarakat berilmu ke arah negara maju.

secara separuh masa atau eksekutif untuk warga kerja industri.

Usaha ini dilatih berdasarkan strategi Triple Track Approach oleh UMP Advanced iaitu merangkumi pelaksanaan program profesional/eksekutif, program perdana dan pembangunan sosioekonomi.

Program profesional atau eksekutif ialah program yang menyasarkan golongan industri pada hujung minggu dan dijalankan secara modular. Ia direka khas mengikut keperluan industri berdasarkan beberapa bidang yang mendapat permintaan tinggi seperti petroleum dan gas, pembuatan, perdagangan, logistik dan elektrik. Objektif utama pelaksanaan program ini ialah memberi pengiktirafan akademik kepada kumpulan sasaran yang mempunyai pengalaman kerja yang luas dalam lapangan masing-masing.

Bagi pelaksanaan program perdana pula, ia ditawarkan pada pe-

ringkat ijazah sarjana muda yang dijalankan secara hujung minggu. Buat masa ini, program dijalankan di Kampus Universiti Malaysia Pahang (UMP) dan Institut Kemahiran Tinggi Belia Negara (IKITBN) Sepang.

Penawaran secara fleksibel itu memberi peluang dan ruang bagi kumpulan sasar untuk meningkatkan tahap pendidikan lebih tinggi dan sesuai dengan ruang masa bagi yang sedang bekerja.

### Latihan kemahiran

Melalui strategi ketiga, program sosioekonomi yang dijalankan pula terbahagi kepada dua, iaitu program Latihan Kemahiran dan Keusahawanan, dan Latihan Kemahiran Akademik. Melalui penawaran program Latihan Kemahiran dan Keusahawanan ini, UMP Advanced berjaya melatih dan mengeluarkan isahawan melalui program yang dijalankan dan bersesuaian dengan taraf sosioekonomi

penduduk sekitar UMP.

Program yang ditawarkan itu juga selaras hasrat menjadikan seseorang pelajar atau golongan bekerja sebagai pekerja mahir yang sering dituntut oleh pihak kerajaan dan bagi mempersiapkan warga kerja industri ke arah meningkatkan kemahiran mereka dalam mendeapani cabaran dan ledakan Revolusi Perindustrian ke-4.

Peluang itu perlu direbut oleh warga kerja industri bagi menikmati peningkatan sosioekonomi selepas tamat pengajian. Dengan erti kata lain, pembelajaran sepanjang hayat ialah penguasaan akses bagi peningkatan pengetahuan dan kemahiran.

UMP Advanced sentiasa peka terhadap definisi dan konsep pembelajaran sepanjang hayat yang selari dengan aspirasi sama negara untuk membangunkan masyarakat berilmu yang memacu negara bagi mencapai matlamatnya menjadi negara maju.